



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六六八

青田山廬詩鈔二卷 青田山廬詞鈔一卷 莫庭芝撰

止庵詩集二卷 附盤阿草堂詞存一卷 孫鏘鳴撰

市隱書屋初稟十七卷（文稟十一卷 卮言一卷 詩稟五卷） 亢樹滋撰

隨安廬詩集九卷（前七卷後二卷） 亢樹滋撰

留餘齋詩集四卷 王鏡瀾撰

枕經堂文鈔二卷 枕經堂駢體文三卷 枕經堂詩鈔八卷（存二卷）

枕經堂金石題跋三卷 方朔撰

經進文稿偶存一卷 許振初撰

劉芑雲先生遺集四卷 劉傳瑩撰

李忠武公奏疏一卷 李忠武公書牘二卷 附褒節錄一卷 李續賓撰

墨花軒詩詞刪存二卷 附詩餘一卷 張葆謙撰

一

四一

六七

二五一

三四一

四五五

四一三

六四七

六六五

七七七

青田山廬詩詞

光緒己丑夏日
刊于日本使署

序

余昔從伯兄伯庸表兄子尹游獲交胡君子何莫君子
偲及芷升輩而余年於芷升子何為等故與兩人知尤
密芷升之為人篤實樸厚靜默不華其為學也亦然材
智不過中人而研精殫思沈博幽邃工力所至有材智
高明之士所未能躋其初切劇於音韻訓詁之學剔艱
索奧辨析毫芒以及先秦兩漢百家之書靡不窺究開
涉韻語則伸片紙率就隨復散失輒不自顧拾中年後
人事紛沓離合悲懼之故有動於中而不能自遏者乃
稍形於詩歌雖及之憂愉沈鬱人不能堪當長哦短詠

青田山廬詩鈔序

一

累千百言不能畢竟之情志而芷升約之方寸期簡潔
湛深規諸法律而後已大要不離乎子偲家法一空流
俗浮漫夸肆之詞近是故其得詩最少而構思極精後
遭世變芷升宦蹟在外余亦奔走四方音問闊絕芷升
情況不可知而詩遂久不得見舊歲芷升偕哲弟善徵
歸葬子偲於青田始與芷升聚首於是不見芷升已十
有餘年矣時余僑居與芷升接舍晨夕過從談笑見芷
升恬退修潔機趣盎然於昔年為尤有得諸心問近詩
適未付行篋不獲較曩舊工力然觀其人已知其詩矣
今年冬余寓行省子何適將刊芷升詩由銅來出其藁

囑余商訂余辭不敏而子何惓惓意若不釋也者余不欲負子何意乃受而訂之於是知芷升近作一任懷抱摠寫不規守法律恬然若有獨喻而仍不越於法律者又以歎近讀芷升詩不啻舊歲之面芷升矣然竊怪與芷升離索久所為當必有富於疇昔而其存不及半豈有悅於中不耐如從前鍊想耶質之子何始知中數年蒙罹於兵燹又以歎芷升坎坷之甚也雖然自古如陶謝韋孟高逵夫溫飛卿李長吉輩存詩不過一二百篇流傳千有餘年較當時長篇鉅製者為尤久且著芷升詩雖燬佚能如是之精確又何患寡乎芷升其以斯言

青田山廬詩鈔序

二

為何如也余非知詩者盍敢言詩而子何以謂與芷升知最深莫余若故不揣庸劣為訂詩若干首序諸簡端以見余與芷升契合聚散之情並以報子何惓惓之意焉同治十三年仲冬月望日介亭黎兆祺序

青田山廬詩鈔卷上

雜感七首寄胡子何

長新

已下甲辰

獨山 莫庭芝 芷升

天地有培覆惟物殊裁傾不知天地心於我將何成衛生計苦拙窮愁日煎烹眼前且莫顧違說千秋名感彼木槿花暮落朝還榮人生不復朝自昔同傷情世事日來忘何乃太紛紛我心如亂絲治之還自焚便欲覽滄海忽想梯高雲比類若有合理緒倏已分出門靡所往入門無可欣徘徊對晨曦徙倚看夕曛置身千仞岡託足非不高著意出塵網塵網羈轉牢

青田山廬詩鈔卷上

一

蠢小兒輩瓦石橫相拋縱曰罔子損格避將毋勞天涯遇惡風滿地生腥臊鮑肆寧故稽掩鼻誠難逃古人亦有言夜行信不盜信宿羣吠聲莫禁相逐諒滔滔世人論往往成顛倒豈足是非心故見習難掉欲挽料無計猶冀貞節操強守平生志連蹀從吾好結交須黃金金多交乃厚結交須勢力勢弱交難久昔我同袍人盟誓常在口時哉曾幾何時去十八九豈獨無過從且復暗指嗾已矣予何言而然自歸咎七歲去故里寄茲二十載家難忽迭來抱恨深於海歸葬已無力戶籍遂遷改哀哀異鄉身鬱鬱死是待當年

門前客至今無一在世情藥如斯私心復何悔
胸懷滿牢騷動止成局促寥寥眼中人誰可語心曲我
有同心友遠在南泉麓卓越超塵凡見稀情轉爲秋風
圖雲道應馳千里足願君莫相忘魚書寄忠告

同邵亭五兄用究韻送八弟生芝

兩漢師承戒虛窺求是端從實事討宋儒講學重躬行
檢點身心非草草聖賢德蘊江海寬滿腹隨人那見了
倘令一得已千秋沒世誰甘物同槁古來赫赫諸鉅公
不朽都因努力早吾徒希古豈有他陋習先宜痛自掃
丈夫苟志拔流俗特立未顧無人曉識途直便向前行

青田山廬詩鈔卷上

慢使胸懷亂蓬葆人生少壯能幾何去者苦多來者少
百事咸當及時作莫似送君傷歲杪寒風颯颯吹枯槁
千里長征絕飛鳥皮肉凍皴手足繭如此浮名殊可惱
自從兩樞措郎州兄弟參商嗟各保縱有音書互往來
那辭時運同顛倒我輩生涯在天命與世寧須爭拙巧
但教異地共詒謀便可箕裘承祖考茲行稍喜得歡聚
伯季恐比從前老爲言醫老在安心除却此方無可寶
我不南歸已五年溪山歷歷猶能憶後園林下歌吟處
竹木於今更應好同歸未得君獨去夢魂直共家山繞
烏呼雞肋功名誰便棄勉逐時賢步瀛島但須一枕屹

中流穩臥不愁風浪掉

既與生芝弟別復疊前韻

播水濚洄播山窵二十年來共幽討曉霜送別慘獨歸
滿腔離思寄枯草我聞古來志士不家食壯健先陰莫
虛了關河阻絕路迢遙餘生恐爲傷離稿世上風波正
爾多勇進何如退身早倘教能辦買山貲虛譽浮華定
齊掃今宵知爾落何處寥寥野店雞聲曉出門那便期
有功但勿紛心逐旌葆風塵諳練誠所難念爾今猶閱
歷少光陰已是廿年過世故須令見纖杪憶昔中秋歲
戊戌弟姪偕歸若羣鳥豐毛健羽各茫茫兩親却顧喜

青田山廬詩鈔卷上

三

還憶當時我亦未有知若輩寧知慎自保年來生事苦
消磨盛氣消除壯心倒惟愁到老百無成敢隨時俗攻
狃巧愈令驚水孤兒心撫訓哀哀泣先考苦寒憐爾獨
奔馳衣裘單薄愁坡老辛勤耐得乃吾願狂縱能懲是
爾寶思君從此不成眠夜尋蠶蠶翻床蓐安得廬墓屋
三間常叙天倫敦式好麤糲黃齏也自甘更無憂戚相
纏繞青田山下水悠悠古木千章護沙島何時買此作
幽居終老一篙心不掉

過橡村竹水青龍慈中有達人字伯庸作官累代陋官習

橡村竹水青龍慈中有達人字伯庸作官累代陋官習

一笑甘為田舍翁經業主人外兄弟古柏夾徑潛交通
時攜子弟共來往兩家情款渾融融花朝月夕未虛擲
長歌激烈生清風剛水孤兒久流寓三載青田畢樹封
得依栗里計誠遂年年省墓欣過從闐然一揖孰賓主
有酒便飲還烹菘兄酬弟及見愛友寶樹滿眼何玲瓏
人生快意須盡樂祇恐蹤跡如旋蓬我心久已厭城市
南村有願寧教空餓驅何日乃當已倘得安巢定欲東

附錄

芷升贈詩短章奉報

黎兆勳

鷗鷺不知鴻與鵠何論孔雀文章毒祇堪自飲南溪

青田山廬詩鈔卷上

四

淥君不見孔融志大終見傷龐公避俗離襄陽少年
夸毗何足計我有斗酒須君嘗

北客南來說車馬怪君老出風塵下我欲遺之菊一
把君不見南州孺子生遐荒比似袁閔才力強聲名
可假志不屈獨立江海憂茫茫

五英岡阡

朝上五英岡暮下五英岡去城六七里屈曲如堂防我
母有幽宅冤冤塞其亢結構出天造不假人力襄哀哀
辛壬間天割降未央父歿方畢殯母病復在牀殯宮要
留守歲杪淹東鄉兄弟侍湯藥惟予失親嘗疾亟我始

歸夕至晨已亡入門欲呼母却見棺在堂心知已不及
有淚空滂滂痛哉送爺時遂已訣阿娘弟妹哭告我欲
言聲不揚口口念熊兒屬續猶未忘痛中聞此語愈使
摧肝腸終古平岡上躑躅空哀傷

聞楊子陵承德訃

往歲冬十月送君邛江去已恐一世交此別不重遇旋
聞郡城裏就醫病日痼誰知五齡兒有命復難固因之
急憂煎遂入北邙路人生在宇宙忽忽若流寓有子與
無子到死寧得願悲哉一星孤承後比崔曙

感春寄生芝弟及大猷遠猷兩姪

青田山廬詩鈔卷上

五

當日一叢花花葉大於斗自割為兩叢小小僅如手當
日而今只此花昔何壯盛今何否靜觀物理須尋思根
定未可輕分移一朝別異費培植生意復初知幾時

桐兒既別感作

桐兒昨日別令予倍思親萬事不身受焉能見其真憶
昔將遠適慈訓朝夕陳復恐轉忘却臨路還諄諄驅馬
向前去交接多親姻追歡違離思百誠未一遵安知父
母意日夜為酸辛當食愁不節當衣愁不溫直到身歸
還隱衷始含欣蹉跎想當初坐曠晨與昏眼前所繫念
一一堪哀呻我聞諺有之有子知親恩知恩待有子悔

作尋常人梁月白皚皚起坐淚盈巾餘生欲何用徒為
悲鮮民

春初省青田過鄭子尹 珍夜話奉呈二首 丙午

攘攘城隅宅出門多榛荆脩然入村舍荆榛皆蕩平春
風始披拂春露亦已盈傷心先望上宿草添幾莖一歲
一來省竹木誰經營悲來倚封樹彳亍難為情山鳥音
何哀山泉送淒清廬墓計不遂何論從九京念此愴中
懷環視空淚傾

谷口舊相得咫尺望幽居朝來欣一往相見歡有餘敢
辭攄風懷為我決定趨志士期遠大安飽固緩圖有口

青田山廬詩鈔卷上

六

不自給從來無此儒世途亦已險追逐寧非愚立品先
治生古賢豈欺予薄薄江畔土蕭蕭山中廬棄置不肯
住我誠何心歟

寄鄒叔勳漢勳 已下丁未

去年識子秋風邊往來許結文字緣此行所得誠大有
高舉不美蟾宮仙爾來風尚輕薄學迷津待渡誰為船
眾中嘖嘖稱鉅手聲名直欲傾凌煙豈知花樣厭時目
只解隨俗翻新妍平生辦香一子尹天遣大力撐南天
裁成後進功豈小如矩在方規在圓古心古貌世不識
眼中年少空娟娟先生舊是老文學使我一見心帖然

別筵即在相逢處似此聚合殊堪憐頃聞哲弟在左右
聯牀不異居林泉當時人物似君少況喜羣季如兄賢
檢君書札抵共話免使離思來烹煎暮雲日日雜春樹
望君獨上狼山巔

寄春臺繼芳姪 已下戊申

十年依舊兩書生付與時賢等重輕見我定應驚老醜
向人休更說聲名自憐牙齒行將缺強堅頭顱不肯傾
倘使竹林容並隱不妨長伴短燈檠

不狼山下流離子放鶴亭邊落拓人桑梓各餘千里夢
稻梁俱負百年身韓生好古還成癖阿買知書不救貧

青田山廬詩鈔卷上

六

正是春風回首日莫教咫尺更胡秦

九日偕諸子弟遊小龍山

迤邐上高嶺曠然開遠眸惜哉好山水多被闌黎收老
秃出迎客山犬隨呦呦秋色延入戶庭院饒深幽還顧
二子吾道將焉求即景良已多聊與發清謳

別胡子何 已下己酉

君方棄官來我又求官去求官冀得官復何與三
載悵離羣矯矯窺 天閣青冥却垂翅一吏落風塵
風塵亦不惡矧控揚州鶴眾口皆津津君懷殊落落
落趨故林永矢將母心如何奔競場有此空谷音谷音

縈我寐故人千里至風雨昔年燈重話昔年事世事感
雲泥如君誠已稀君來我故往無乃相背馳驅且回
顧為指過來路身世難盡論別情滿江樹

曉霧失途

曉起衝寒霧漠漠散成雨暮行山下溪不辨山中路
于荒林間條條掛冰箸隔溪聞犬聲知彼有人住循聲
破煙入各致煙中語遙謝指迷人揮鞭踏冰去

舟泊黔陽訪黃虎癡

本驥學博不遇

束髮授章句耳熟癡翁名煌煌漢宋學海內推專精黔
陽一甄冷十載非宦情我聞校官堂光怪溢檐楹扁舟
去茫茫煙水橫

青田山廬詩鈔卷上

八

月夜下辰州遇鄉人寄家書

月出風停波弄輝估師蕩槳入霏微貪看夜色仰艚臥
不知江露沾裳衣須臾已泊監沉下擁被欲眠還剔地
忽聽鄉音在別舟道從南海歸來者倉皇問訊致殷勤
各將名姓就前陳相逢不必曾相識但是鄉人卽至親
纏綿莫盡此時意一紙家書勞却寄斜月疏星欲曙天
兩槳晨分渺無際

發武陵

暮宿武陵城朝發武陵道雪花綴荒樹冰葉鏤枯草舟
行三十日積悶一時埽夜來魂夢中猶似煙波繞山松
十萬株前途望綿綿長天鬱冥冥百里無飛鳥凌泥愁
滑汰躑躅度松杪仙源跡久荒世路漫浩浩跬步皆艱
難何適非淙淙

澧州道中

肩輿出澧州五里入村路村居十餘家編葦不被露輿
夫村中人舁向村中去謂將致舁值家裡有老父須臾
止門外一叟迎門語似喜佳客來欲前復却步願兒取

青田山廬詩鈔卷上

九

茗椀懇懇手親付敬問翁何姓翁來自何處一一具告
之轉訊業奚務此地何生活風土復何如老叟良久立
請悉為爺訴此方地平曠計里不知數遙接洞庭波茫
茫津吞吐絕無坡隴隔所恃堤防固有圖皆肥美有田
盡沮洳倘非遭淹沒那復饑饉懼前年苦秋霖堤溢潦
四注家有游釜魚人似棲沙鷺水退人亦稀八九埋泥
淤生者何以生死者翻足慕 皇恩信如天賑恤開
府庫條格徧里閭計名及童孺殘喘延一時長飢向誰
顧屈指三載來土荒不可作魚鰕卽稻粱滿地但腥汙
此去數百里蘆葦蕭蕭布向者皆良田而今鼠狐兔奔

行當眼見荒索真可怖老愚今八十不死天亦誤衰朽
百無能如鳥待反哺力養仰兒勤恃作送老具嘗聞雲
貴間比戶皆饒裕吾鄉飢餓者往往爭走赴在家爺自
樂胡必自辛苦辛苦果奚為老愚不知故前途阻長湖
險惡不可渡

公安縣

孫黃驛邊茅舍新比屋甌釜生埃塵共說公安可早飯
荒冷乃似三家村連年野潦沒城府官亦無色況人民
頽垣敗堵不堪葺此雖縣治空名存我聞城西有石庭
前陳聲如銅鐘三角形欲往觀之證所聞廟前泥軟不

青田山廬詩鈔卷上

十

勝足破落無僧長閉門廢然返走出街巷時有瘦犬迎
狺狺嗚呼公安亦可矜無乃天心非至仁

荊州元旦已下庚戌

西南扼要此雄州萬里行旌上日留芳草欲尋開府宅
春風已到曲江樓客邊物候驚初換江國雲霞曉正稠
尚有寒鴻歸未得一聲嘹唳過城頭

絕句

幾日不見山一心託流水不意荊門州又在羣山裡

荊門雪後紀遊

山水猶多未了因西山昨日望嶙峋天公欲遣留行跡

特散飛花襯軟塵

繞郭寒溪曲曲回橋西一徑直南開唐安道是千年刹
欲訪萊僧問去來寺外有明嘉靖戊申知州吳直重修
碑記謂寺為唐以來之古刹有萊僧
拓墓於此

山下諸泉匯作池小橋近接象山祠陋儒莫漫輕前哲
細讀當年代醺辭代醺直刻先生上元
醺講義於石

泓泉數潤呂元詩古碣淹埋歷幾時好事任邱舒刺史
鑿開海眼紀殘碑乾隆間知州任邱舒成龍順二泉
記謂因修橋取石於此鑿出此泉且
得古碣有絕句云泓泉數潤有深功石寶涓涓海眼通
歲檢時和霖雨足風雲長靜自龍宮後題宋紹興壬申
仲冬知荊州軍呂元題十四字因
名此泉曰龍泉在蒙惠二泉之間

青田山廬詩鈔卷上

十一

北過山坳興益清雪泥沒踵嶺雲平順泉舊跡分明在
學士而今不姓彭成龍又云又於北山麓復得古泉鑿
而廣之改殘志載宋翰林學士彭乘
知軍時所名之順泉蓋
卽此今仍沿其舊名

石橋驛夜月

出門五十日離家三千里開歲忽及旬我行殊未已今
夜石橋月流光淨如水荒旅獨屏營感歎成坐起回首
指北辰出地漸高矣宵深露氣下一燈悄欲死抱影未
成眠僕夫喚行李

樊城旅中

隔歲辭家事遠征春風暗裏渡江城南來驛路四千里

北指京華一半程水陸遞更情已倦塵沙未試夢先驚
樊城十日無聊甚遣悶時來漢上行

夕陽又向岷西傾旅館蕭條對短檠寒夜客來非熟識
上元燈好不關情愁聽過雁傳哀響祇覺荒鷄是惡聲
僕病久將身作僕還攜藥裹代煎烹

傷張僕

春日鬱悽淒春風送悽楚我僕遂不起愴爾淚如雨爾
素非健壯欲來頻爾阻早知羸弱軀難試風雪苦苦苦
要相逐一身役三主雖遭蕭穎士忍受甘無語江陵風
雪惡衝突強撐拄在輿且不支徒走馬能禦蹀躞抵荆

青田山廬詩鈔卷上

三

門遽已鄰二豎二豎不可遣中途不可處我馬且爾輿
三日趨漢渚樊城半月來醫藥親爾睹一息忽不續僵
卧忍相撫斂爾薄薄棺藏爾深深土生也信有方死亦
各有所曠野何茫茫荒墳半羈旅片塊寄爾身那愁無
伴侶踽踽獨天涯自念還增慙魂兮倘安之不能復悲
汝

謁考叔祠

顙上春霜午未晡名場萬里獨奔馳君羹縱得憑誰遺
客淚空揮考叔祠

宿草屯坡

河氣騰空落日昏平沙莽莽月無痕草屯坡下今宵客
獨倚東風醉酒尊

月夜趨彰德

日落至湯陰月出過美里東風作夜寒細塵不出軌宵
深露氣盛著手微有泚停驂尋野店打門呼不起且向
車中眠雞鳴方未已

沙河縣道中

風塵日日汙行旌古跡搜求問地名報到沙河東七里
梅花亭畔廣平塋

泊舟荒山下

青田山廬詩鈔卷上

三

泊舟荒山下山氣日夕寒上有千尋巖下有百步灘君
看上灘處雪浪翻驚濤澎湃夫伏地喘舟子仰天歎遲滯
不可上分寸勞躋攀登澄灘上水微波清且閒緩急忽
異勢僅在咫尺間柁樓晚飯熟繫舟各相歡飽飽倒頭
睡償汝終日艱夜靜四無鄰窺人但空山倚枕不成寐
一歌行路難

舟發鎮遠

五步一急湍十步一轉灣危巖倚百仞怒立何頑頑瀑
泉向空飛百道縈林端因風作細雨灑入船窗間却怪
去時舟簷爾無流連倚檣今日坐曲折窮奇觀峽中氣

陰森風景淒以寒日暮怪鳥啼啾啾高樹巔荒林散鬼火滅沒旋復然傷哉客子懷驚定還辛酸

鄭子尹先生假鎮遠訓導予過而不知也先生聞之遣人相邀遂自諸葛洞放舟復下喜而有作

歸客歸心急於水過都往往未適市不圖谷口老子真又被捉將到官裏諸葛灘頭天欲明岸上何人呼問名調符到手識筆跡事出望外疑還驚轉頭放舸更東下日午欣趨校官舍相看我鬢亦成絲不獨鄭公老堪訝萬里歸來歲又周鐙前款款話綢繆家中藉識真消息明日無妨更一留

青田山廬詩鈔卷上

古

為張子佩題桃源圖

歸舟初過武陵來不見桃花夾岸栽卅載郎州舊遊處畫圖驚向雪中開

哭八弟生芝 已下辛亥

飢來驅我去惘然空腹歸歸途心煩急忽忽如有遺疾馳入家門日瘦風淒其瞥見堂上棺知爾已我離欲語口無音但有涕漣沍哀哉別時語遂為永訣辭不忍一日飢雖悔焉可追

爾病非朝夕沈疴已經年畏寒厭聞闌此外無他焉食飲未覺減筆墨時與緣謂加調攝功緩緩當獲痊誰知

壽命盡遽爾不少延致疾雖有由修短實自天平生好勝心一旦長棄捐

憶同客旁溝兩試冠童子曾於廣眾中狂言驚學使彼時方健壯心悸每不止豈知不治疾早已基於此前年省試歸始漸形委靡一臥遂至今醫藥悔無似生者悲何窮死者長已矣

昨我行入都正值仲冬節猶能風雪中支病起揮別迨迨赴萬里念爾情獨切忽忽去復還寒江又飛雪倚牀迎我笑喜極轉嗚咽謂言卒見我病減豁胸結孰意遲歸來特為一言訣

青田山廬詩鈔卷上

五

初買西山宅方冬事葺理為避土木擾婦家暫棲止相去亦不遠僅間一牆耳新歸且無事朝夕得視爾所愁囊橐空飢寒慢無恃典衣供藥餌相對強歡喜悠悠歲暮心永念何時已

爾病未加劇謀食我當行臨行執我手慘愴不成聲春風撫節氣新居畢經營我去爾甫入我來爾不迎誰言匝月間遽判幽與明蠢蠢四寸棺一蓋了此生回頭視孤女使我肝心崩

先君昔在日惟爾得偏憐矯矯兼人資所向期無前仲兄才且敏僅得長吉年爾年幸過四今也胡復然豈負

穎異實例不留人間朋輩懲爾狂亦復賢爾賢茫茫生死途千古同淚漣

昨日與阿九檢爾篋中書近集名缺陷缺陷將何如葬爾慈母旁晨昏千載娛我子猶若子繼嗣應無殊魂兮果何之信有知識無悲風動地來颯颯滿蓬廬一卷思王詩

病中寫此甫畢

慘淡長與俱

無新

浙米欲作飯竈陞冷無煙呼奴行買薪囊底空無錢老妻束手坐無語我亦黯黯惟愁眠小兒智忽開回身直走堂後邊手持溝中斷趨向阿娘前小女指屋角此有

青田山廬詩鈔卷上

七

敝帚存拾取付娘手欲與兄爭勤須臾炊煙上氤氲散復旋早飯不時熟呼爺起共餐黃齋昨日盡餘汁膠牙酸傾甕煎作羹以之佐食甘且鮮半生嚼齋未識此真味此味直貫三十年大兒小女儘一飽驅就所業皆喜歡遲遲日未午且莫計黃昏嗚呼帚與斷棄置寧復論一旦無用材奏功在俄延乃知天地罔棄物當其適用誰能先作詩敬謝帚與斷昨日茫昧今胡顏

養心箴并序

二毛漸侵於道薈然時廢業頽悔且何及猶復念念飢寒役役榮利沈淪不返是誠何心輒書

此以自訟云

活潑之地淡泊之天清虛之府惟心宅焉心曰天君意即親臣幅隕所極周於一身設官分職百體導循理則君子欲則小人意發乎理是曰尊賢百體承風其慎其難意昵乎欲是曰容奸百體承風以安以便從欲從理治忽斯分一治一亂厥惟天君嗟嗟小子胡莫之聞汝心不養汝德奚敦君子樂道小人憂貧汝獨胡為無病而呻好嬉乃荒積勇斯神汝方壯盛胡倦於勤萬慮雜感百憂交重取欲塞路理不到門潭潭宅府莽莽荆棘修平啟辟焉辭斧斤反汝清虛剔汝塵昏舍之則亡操

青田山廬詩鈔卷上

七

之則存汝不省耶其又何云

贈洪小芑

壽鏡參軍

風流年少洪夫子幕府參軍及優仕詞華譚若春空雲精神皎映秋水春雲秋水兩相鮮筆端露顆垂珠圓早將王勃驚人句傳誦閭公榮戟前豪才已足騫鵬翮每撫頭銜還自惜丈夫經世必瑰奇何須名挂春官籍君不見漢賢張廷尉納粟為郎致通貴又不見蜀人馬相如始以入貲登仕途二子那曾膺選舉吏治文章照千古當時策對不識幾何人至今名姓無由數洪夫子願君莫言悔整理遺編更索解會看蜩斗落文河豈徒

綺藻詩詞采我是流離子郎州作寓公年來踪跡似飄蓬求官偶向京華去贏得風霜滿鬢中滿鬢風霜不可掃客子光陰容易老寒蚊無那苦吟哦纖響時榮晴樹杪洪夫子聞君羣季盡翩翩俊秀皆如謝惠連吟秋往往多佳句應有池塘春草篇吾家兄弟亦六七相對寒燈憶疇昔十年生事迫飢驅夜雨孤聽幾蕭瑟憐君官事日匆匆偷閒還復效秋蟲各寫羈愁絃寄遠感離心緒一般同洪夫子聽我歌百年駒影隙中過與君共醉金叵羅愛君磊落復英多願君努力休蹉跎勸君一言君謂何

青田山廬詩鈔卷上

六

九月廿一日伯庸招集同人於東老庵適傳礪園汝懷先生至即席賦此

夜雨決日愁無那盆菊離披不成朵夜來寒重疑有雪檐際濕雲曉猶霽忽聞故人有報書如閉幽室乍得火南明江上瘦日黃偶放晴光射城堞特招近局展重九意與天心暗印可杜陵詩叟亦好事載酒適入廣文坐風雅規模在老輩落落今猶存碩果酒邊閒為說游踪笑撫霜髯憶鬢髯枯林颯颯秋氣深眼中之人誰婀娜三杯取醉各不辭一滴醅顏子亦頗此會將毋似真率莫管城門夜深鎖

示新生長生勵志詩

商飈動璇宇百寶凝金瓊播琴苟不力懸罄空自傷牙籤耀虛室四壁環琳瑯炳炳千萬編罔非餽貧糧一粒漫云少累之卽倉箱至矣菽粟味咀嚼生瓊漿置壁盤餐中品味何煌煌自非歷辛苦涎出無由嘗鮮鮮盆中菊花葉大於掌豈曰天賦殊母亦人功仰瑣瑣牆根枝頽敝不堪賞抱質本奇傑失理等榛莽吾身一根蒂生意原盎盎倘惜灌溉力那有蓬勃象遐哉學植功由來貴得養

青田山廬詩鈔卷上

七

少小所讀書白髮猶在口緣無他念紛故能歷永久既冠心漸離出入已難守縱不廢吟唔得一或遺九行行更及壯人事盡到手身既與世緣心豈復我有此時雖勤苦格格不肯受髮齡未可再倏忽便白首卽今自荒忽終必悔於後不信視今吾慘焉方內咎

春花多艷麗色無十日妍淡淡秋後英踰月猶鮮鮮繁華理難久零落殊可憐質樸世所陋長得抱自然泛泛浮慕心害道莫此先吾人立根脚要在弱冠前華樸惟二道擇守尚慎旃卽今一失路茫茫終歲年

偕王安瀾

濟川

夏鳳生

純儀

及魏少愚

松齡

兄弟

春暮出遊紀詩三十一韻已下甲寅

匝月不出門曉曉旦復旦豈無健步在舉足輒遭絆驚
心數往日春事倏過半寬閒得茲辰發興焉可按走邀
寂寞侶遂拜挈童冠追游出子城如櫪驥羈斷雪佳作
小憩倚檻臨浩瀚殘紅逐水盡新綠陰兩岸石橋曲通
幽僧舍繞江畔入門憶舊會夙好喟雲散詩壁無故紙
茶竈有遺炭竹格蛛網封花根鵲巢舊老衲酤未歸村
叟迎一粲慨然舍之去物色助懷惋南臨涵碧潭鐵柱
轟霄漢荒祠配武鄉功名久猶煥干戈正滿地豺虎紛
突竄憂天知徒為望古一興歎迤邐出墟墓踏青人影
亂東山矯在望密樹垂碧幔齊思躡其顛意境假一換

青田山廬詩鈔卷上

三

仙乎王子喬軒舉往無憚先路駕高足追踪迫我汗回
首招夏黃山芝紫可玩奈何惜腰腳怯怯中道還中登
忽解興夕陽各趨館誰令進退心咫尺遂區判明當謝
夏子前辭愧成謾但拌一日樂得失奚更算鬱紆客子
懷觸景若冰泮歡欣雜感慨聊用付柔翰

寄伯庸

昨攜安瀾挈鳳生尋幽遠出西南城對江蕭寺子舊館
烏啼花落春風輕念子一官異流品三載清流作高枕
廣文檮散固閒曹却怪先生更閒甚昨日書來感離索
劇道連年官情惡開緘我亦三喟然轉憶嘉會空拳拳

人生那得駉蛩比苔異萍分固常耳聯牀有弟況惠連
風雨荒齋差可喜繫余館政亦瑣屑口瘡舌敝嗟頑劣
黃昏寂寂簾幙垂獨坐祇應歎愁絕暮暮朝朝愁更愁
年年歲歲寔良謀有時愴欲徑歸去躑躅還成默不語
紆迴此意誰復知僅得二子無差池良晨索笑一開口
敢與時俊論妍媸春事匆匆客中了更寫相思寄遠道
遠道漫漫射虎多何時出險踰牂柯牂柯江頭又烽火
涕淚南瀝雙滂沱君乎作計直早決莫向人前肆談說

寄胡六子何

青田山廬詩鈔卷上

三

分枉鄰比道契無天涯人生有離合參錯誰能裁憶昔
我與子東南各根荄沅首及剛尾何緣兩游洄闊逢吾
北去從侍延江隈越歲值柔兆子亦隨官來學舍兩離
立相望百步纔兩父昔並舉同僚喜今陪兩母若娣姒
兩父如同懷兩家小兒子逐逐無嫌猜是時我與子歲
行俱未回岐岐聳頭角巖巖雙循陔稱身或易衣比足
或共轡時聚讀東閣時會食西齋子點發嬉令奉行我
能偕有時據大樹將軍各登臺先驅嗾猛犬後勦曳短
柴亦假稱考席鎖室磨松煤寸紙自摺疊儼句相敲推
憤頑必並咎賞俊必顧哈旁觀有嗤謂亦或誇良材行

行復甲乙漸漸過提孩雖非騏驎羣差若殊驚駘初試
我南返子婚趨五開旁溝一邂逅執手重徘徊明年次
沿灘大廈驚偏推趨庭我來復反觀君居哀岐途兩錯
迂遂判岑與苦中間幾省試旅榻悽相偎良會恃有此
罷黜奚所唉慘慘辛壬間我連嬰禍災買山畢殯葬僦
屋終喪緣苟活出祥禳餘生益虺隤丙午集蕭寺打門
驚喧感喜子與解額聊以光吾儕是時我少弟遠養子
所媒為爾挈之往不舉鳴鹿杯旋聞捷南宮馳譽長安
街連年收科第爭誇博陵崔分符不卽拜初服趨庭階
家居越戊己塞耳厭嘲諷我貢將之京忽已及門根寒

青田山廬詩鈔卷上

五

雲蔽千里訝子胡來哉我去雪方盛我來雪又皚聞君
擁皋比舊業思重恢改官決投狀曰非民社才不裁赤
縣花永植豐宮楷壬子補首郡著我森待培大家遠逐
子并曰龐安排我時館東郭登堂拜門闥當時總角壯
已掛髮髻慧訊言及先妣老淚紛盈顙珠珍發冬蓄舊
釀開春醕方欣奉慈範與子長傾壘豈計未期月靈輻
遽歸散天意竟如此涕泗何時指吁嗟我與子膠漆幾
陳雷蹉跎三十載往跡言難該青春忽已過白髮行相
催安步無一寸悔尤盈九垓君若魚失沼我如雉遭罟
江水深且廣山岡鬱崔嵬掛眼滿荆棘磨牙偏狼豺時

危重頽牧世劇輕鄒枚安能投筆硯便欲腰鞬歎中情
忽惶惑無言手承頽君計定何如及早完築埋作詩寄
繡綵南望愁陰霾

與安瀾鳳生何植三步月至盤橋側坐話移時

好懷頻向熱中消江月招尋快此宵薄薄柳陰侵曲檻
紛紛人影過盤橋款言勝服清涼散小坐渾忘市井罵
更請繼今申永約每逢良夜不須邀

讀莊子木雁語書此

雁以不鳴死木以無用壽材與不材間酌處感莊叟樵
斤或野火天年理難久喋喋黜嗇夫雁實遭非偶毋為

青田山廬詩鈔卷上

五

大木幸亦奚為雁咎壽殀自適然材不材何有無用乃
生賤不鳴終可守不見周廟中三緘金人口

檢碑刻

消夏無他法模糊讀古碑審形頻畫肚察義止攢眉滯
極能生悟癡多望轉疑衣粘知汗浹樂此竟忘疲

于伯英鍾岳以詩藁見示書此歸之

我讀伯英詩如入羣玉府蟾肪泮點昆吾刀憐爾劉錫
匠心苦縱令斧鑿贖痕跡祇覺光怪溢堂堂哀時托興
意纏綿任真亦復見性天咫尺疑有少陵鬼容色慘淡
立我前我於此事無定力語言往往出輕易蚓蛟糾雜

不自差未敢示人但拋擲一言持似君勿瞋期君僅以
餘事作詩人

喜李雲卿維棹至

競報雲卿至驚看已到前此來殊意外相望失愁邊喜
客嘉吾黨論詩借爾便一尊斜日裏共詠晚涼天
客裏翻為主君來亦當歸可能三日宿計已十旬違夜
雨烹新茗秋螢點薄幃有懷須盡說書札總依稀

讀黃子壽彭年編修唐鄂生大令元旦雜詩漫
和已下丙辰

一出卽竟歲歲竟乃一歸家人皆客我所憐相見稀歲

青田山廬詩鈔卷上

話

朝喜新晴陽和布微微却顧兒女隊青紅交扇輦誰云
經喪亂復爾歡因依勸我兄及弟椒酒還共揮鄉黨舊
美此此得餘何祈

歡日苦不長忽復旬有二故人遺我書促行良美意衣
被元未解行裝不更治固知留不得豈曰離別易含悽
渡烏江所遇多丐乞聞聲識鄉音相視淚盈眦不敢呼
來前恐說兩年事哀哉且奈何我勞復奚恤

經巢先我行涉七過我宿私疑竟茂宗旣罷何來復誰
知非易進成算久在腹禮樂雖善攻擺脫不受束草堂
舊主賓重理去年局夜深說盡理快倒樽中醪

歲歲生活謀區區守一軌未能忍飢餓胡不親耒耜剪
翎送樊籠自甘豈迫爾明明知其非默默固蒙恥我欲
借一例聊用自嘲毀子輿氏有言免死而已矣

巍巍三足鼎所實半污穢不如竟顛折乃有出否利揚
揚火隨風燎原固其勢嚮爾孰敢先撲滅詎不易黃子
活國術虛願恐難遂唐生魯女憂徒抱亦何為一日倘
可樂過是吾不計

鄂生以示姪詩屬和次韻

老牛不忘犢老馬宜顧後有子任無成其罪坐父母昨
歸慙兒愚自咎不家守讀君示阿宜益覺我顏厚

青田山廬詩鈔卷上

三

養樹不循性柯葉固不長與食不適口格格難充腸迎
機導所便無取多刻傷此意我所執持之試一量
親老見童稚傷心思作兒憐癡轉愛惜不遣從他師膝
邊手一卷遂及昏冠時一朝失所怙歲月空爾為白髮
已不放荒荒但飽嬉回念慈望心那免泉臺歎後生勿
蹈此罪戾庶可辭

經巢大好福人困天不困編刻富文章有紹豈貧賤子
誠得所託養正功不算況有崔銘詒定副僧虔願
為子胡魯尊生承齡觀察題采石磯太白樓晚眺

圖